

I hab mei Arbat vulorn

Wia a Blitz aus heitam Himmi

Letzte Woch hab i no Überstundn gschobn

Gschuft vu da Früah bis af d´Nacht um simme.

Iatz hoaßts apacka, hams gsagt

Eisiga Wind weht uns ins Gsicht

Mitananda kinn mas schaffa

Wenn ma af Urlaub und ´s Weihnachtsgeid vuzicht.

Um Arbatsplätz zu sichern

müss ma oille Opfa bringa

Länga arbatn für wenga Geid

I hörs in meine Ohrn na klinga.

Guat steht ´s da unsa Firma

Aba dass no mehra bleibt

Wird iazt ´s Personal vuringert

D´Löhne kürzt, vulängert d´Arbatszeit.

De Reichn wern imma reicha

Mögn nimma mid uns teiln

Da dran wird se gwiass nix ändan

Solang mia Kloana ruhig bleim